

«Überall komposchte si...»

Eine Kompostförderaktion der Kantone BL, BS, SO

Weitere Unterlagen der Kompostförderaktion:

- Der Schulkompostplatz, Checkliste und Anleitung
- Begleitheft zu den drei Kompostsongs
- Ein Kompostlehrmittel mit Kopiervorlagen

Weitere Informationen und Materialien zum herunterladen: www.kompost.bl.ch

Text und Musik der Songs:

Peter Spinnler, Buus; Benno Graber, Ettingen; Roli Frei, Basel

Arrangement und Aufnahmen: Urs Rudin, Hölstein

Illustrationen: Domo Löw, Basel

Gestaltung: Buser, Kommunikation, Basel

Druck: Gremper AG, Basel

© Amt für Umweltschutz und Energie BL
und Stadtgärtnerei Basel

Basel/Liestal 2005

gedruckt auf «Recystar», 100% Altpapier ohne optische Aufheller

«Überall komposchte si...»

Drei Kompost-Songs



Kompost-Calypto

Text und Musik: Peter Spinnler, Buus
Chor: Musikklasse 1b, Sek. Niveau A,
Gelterkinden

Refrain

Komposcht, Komposcht!
Chumm, mach au mit!
Komposcht, Komposcht,
Es isch e Hit!
Komposcht, Komposcht!
Mir si drbii und lade euch
zum Komposchtiere ii! Hey!

Strophe 1

Kaffisatz, Orangeschale, Raseschnitt,
Zitrone,
Essensreschte, Zimmerpflanze, d Spitzli vo
de Bohne,
Blueme, Stroh und Gras und Tee,
mir häckle alles chlii,
denn statt im Kehricht muss die Sach
im Komposcht sii.

Strophe 2

D Natur kennt keini Abfäll
und d Natur gheit gar nüt weg.
Alles wird verwertet
und au alles het si Zweck
Jung und Alt und Gross und Chli,
es helfe alli mit,
dass' statt e Huufe Abfall
vill meh Komposcht git.

Strophe 3

Komposchtiere lit im Trend,
recycle isch modern.
Drum fang hüt a,
probiers emol,
du machsch es sicher gern.
S stinkt nit und isch gar nit gruusig
und drum merk dir das.
Es isch ganz lücht,
e jede chas und s macht vill Spass.

Refrain mit Schluss

Komposcht, Komposcht!
Chumm mach au mit!
Komposcht, Komposcht,
Es isch e Hit!
Komposcht, Komposcht!
Mir si drbii und lade euch
zum Komposchtiere
(will alli komposchtiere)
au euch zum Komposchtiere ii.

Arrangement und Aufnahme aller drei Songs: Urs Rudin, Hölstein

Überall komposchte si (Kompost-Rap)

Text und Musik: Benno Graber, Ettingen
Chor: 4. Primarklasse, Ettingen

Strophe 1

D Frau Hueber frogt d Frau Meier schnäll
«Du nimmsch doch no e Kaffi, gäll?»
Frau Meier seit: «Es goht nit, nä.
I gang jetzt lieber wieder hei.
I cha do nid nur eifach roschte.
I gang dehei jetzt go komposchte!»

Refrain

Vo Nord nach Süd, vo West nach Oscht
Wo d'ane luegsch, do hets Komposcht

Strophe 2

«Was willsch hütt bi däm Wätter tue?
Und d'Läde hän doch au bald zue.
Chumm sitz doch ab, i kenn e Witz.»
Das seit dr Max sim Nochber Fritz.
«S tuet mer leid, i mues schnäll poschte,
denn gang i hei, i will komposchte.»

Refrain

Vo Nord nach Süd, vo West nach Oscht
Wo d'ane luegsch, do hets Komposcht

Zwischenstück (flüstern)

Komposcht, kumm mit zum Komposcht (3x)

Strophe 3

«Und? Diemer öppis unternäh?
Es chönt doch no e Mätschli gäl!»
Das frogt dr Peter si Fründ Franz.
Ou, sorry! S passt mer nid so ganz.
Was isch? Muesch nid so gaffe.
I möcht no dr Komposcht umschaffe!»

Refrain

Vo Nord nach Süd, vo West nach Oscht
Wo d'ane luegsch, do hets Komposcht

Strophe 4

Dr Gschmagg vo sälbergmachtem Drägg,
Sesch e gsunds Würmli oder e Schnäg,
Wär friener Marke gsammelt het,
Wär gern e bsunders Hobby wett,
Wer Freud het an re früsche Ärde,
Will hütt nur no Komposchter wärde.

Refrain

Vo Nord nach Süd, vo West nach Oscht
Wo d'ane luegsch, do hets Komposcht

Schwarzi Ärde

Text und Musik: Roli Frei, Basel
Chor: Schulklasse 2b, Sek. Niveau E,
Arlesheim

Intro und Strophe 1

Mir mache im Garten es Fescht.
Us Dräck wid schwarzi Ärde.
Mir machen us Abfäll s Bescht
Und für das Fescht do wärde
Die richtige Abfäll zämegfuehrt,
mit Häcksel tüchtig umegruehrt,
denn lömmer die Suppe lo choche
anstatt alles im Sack z verloche
(mir bruuche)

Bridge

Laub und Blätter, Raseschnitt,
Kaffisatz, Tomate aber Plastik nit,
Teigwarerärschte, düri Zimmerpflanze,
Löhn vor Freud dr Komposchtwurm tanze.
Rübeli und Öpfel , Banane mien ane,
Salat und Zitrone, Gras und Bohne,
Bluemen und Stroh und was es eso
zum Komposchtiere git.

Refrain

Schwarzi Ärde
Für e gsundi Wält
Je meh mir wärde
Umso grösser wird s Fäld
Schwarzi Ärde
die läbt und git is Chraft
s isch e suuberi Sach
voll im Saft

Intro und Bridge (gesprochen)

mir bruuche
Laub und Blätter, Raseschnitt,
Kaffisatz, Tomate aber Plastik nit,
Teigwarerärschte, düri Zimmerpflanze,
Löhn vor Freud dr Komposchtwurm tanze.
(gesungen)
Rübeli und Öpfel , Banane mien ane,
Salat und Zitrone, Gras und Bohne,
Bluemen und Stroh und was es eso
zum Komposchtiere git.

Refrain

Schwarzi Ärde
Für e gsundi Wält
Je meh mir wärde
Umso grösser wird s Fäld
Schwarzi Ärde
die läbt und git is Chraft
s isch e suuberi Sach

Texte zum herunterladen auf: www.kompost.bl.ch